

۲۰ شوال سنه ۱۳۵

بازار ايرتسى

۸ آشرين اول سنه ۳۳۳۱

صاحب امتياز و مدير مسئول حسن كاظم

ملت عثمانيه - امت اسلاميه ايجون مفيد اولان آثاره
مخينه لر من آچيقدر درج ابدليان اوراق اعاده ابدلز.

اداره خانه -- استانبول باب على جوارنده
ابوالسمود جاده سي نومروه ۷ اصحاب مراجعته
هر ساعت آچيقدر

حزب ايرتسى

شمديك اون بش كونده بر نشر اولنور

سر محردى : مصطفى فوزى

تاريخ تاسيدى ۱۳۲۷ سنه هجرى

سنه لك اعتباريله ممالك شاهانه ايجون پشين
ولتوق ۴۰ التى آيلنى ۲۵ غروش و ممالك
اجنبيه ايجون ۱۰ فرانقدر .

نومروه ۱۳۰ تصوفى ، دينى ، اخلاقى ، ادبى ، سياسى جريده اسلاميه در

نسخه سي ۱ غروشدر

نقرات :

بلیانندن کلنه سلام

کیم آلبردی قاله وحی مصطفی من اولماسه
کیم بولوردی فوزی فیض لطفی فائز اولماسه
بالمقابل حضرت یوزبیک سلام واحترام :
جوق یازاردم بن دها کرخامم عاجز اولماسه

رجب وحی

یا الهی عقلی احسان ایلدک انسانلره

لطف ایدوب تودیع بیوردک فکری ده وجدانلره
یا الهی عقلی مغلوب غفلت ایله
رودیمه کدر آنی مطرود حضرت ایله
یا الهی یا الهی یا الهی یا اله !
عقل کلاک لمة فیضک ده عقلی برکواه .

صاری یار : رجب وحی

مسئله ثبات

تحفه شکران

فاضل محترم مصطفی فوزی بک افندی به

نه سردر اکلاشلماز موجه دار انقلاب اولدم
آچلدم گاهی عیناً گاهی مستور نقاب اولدم
ازل بزمنده لاهوتی نوا بلبل ایدم ، افسوس !
دوشوب ایفلکه ناسوته شمدی بر عذاب اولدم
قابیلدم نقش رنکارنکنه دهر فسونکارک
تبی دست ایلدک کیکشته دشت سراب اولدم
هزاران آرزوی نفس ایله راه ضلالتده
قالب بر خیل دم آزرده لوم و عتاب اولدم
تجرده ایلهمک مشکل ایمش قید علائقندن
یتشدم ساحه عمرانه لیکن بک خراب اولدم
معمای حیاتک حلنه تشمیرساق ایتمدم
آنکچون نقطه دن ، حرفدن معرا بر کتاب اولدم
بوحالته اوقورکن صفحه قلبیده قرآنی
سلام یاری آلدیم مظهر لطف غیاب اولدم
مکر جانان ایلنده بلبان فریاده بدأ ایتمش
او لاهوتی نوا کفتاری طویدم کامیاب اولدم
حضور مصطفی فوزی به قدیم ایلرم شکران
ظلام حجر ایچنده غرق انوار خطاب اولدم
نه حدم حضرت وحی کبی شاعرله اش اولماق
بوافراط نوازشله کرفتار حجاب اولدم
غبار پای ارباب دل اولمقدر شرف فانی
آنکچون دست دلبرده نیاز ایلر رباب اولدم

بوی آباد قائمقامی : رشید فانی

انسان استعدادات فطریه و قابلیت ذاتیه سنه ، ادراکات بشریه
مقدرات ازلیه و طبیعیه سنه ، الهامات فکریه سنه کوره کنیدی ایچون
برمسلاک اتخاذ ایتملیدر . صاحب مسلاک اولان سال واستقبالندن امین
وهردرلو فیوضات و تمایلاته قرین اوله بیلیر . مسلککنده ثباتکار انسانک
باغزار آمال و مقدراتنده نتیجه ازهار لطافت دنار منکشف وهرکسک
انظار ستایش و تحسینی کنیدی سنه منسلط اولور . مسلککنده مستقر
وهر فعل و قولنده نشانه مکان و متانت ، مآثر صدق و استقامت مظاهر
اولان کیم مسلاک هر ایل شمره مفرک و ذکرکنده نتیجه انجلا و تجلیات
متباهر اولور . مسلاک صاحبی اولانلر باطیم کوه کرانیهای ناموس
وعفتی ، شرف بخشا وقار و حیثیتی محافظه و وقایه ایده چکی ایچون
هر یرده انواع اعزازاته مظهر و بویکیارک شاهد دلارای عز و اقبالی
آغوش حصولده جلوه کر اولور . مسلاک صاحبی ، هرکسک بمدوح
و مجلوی ، محبوب قلبی اولدینی کبی جمله نزدنده حائز مجد و اعتبار
وهر محفل و مجلسده صدر نشین عز و وقار اولور . مسلککنده ثبات
ایدنلر روحاً برحظ و فیر ، قلباً برذوق کثیر دویار و کیرمش اولدینی
شهره سلامت و امنیتده دها سربست خطوه انداز متانت اولور . بوراه
نجات آور کندوسنی اویله بر موقع علوی و سلامته ایصال ایدرکه آنک
فوقنده برپایه و سعادت متصور اوله ماز . بویکیارک ذهنیتی ، تفکرانی ،
حیاتی بک نلوی و فیض دار مفاخر ایله مآمال وهر حال وحرکتنده
آثار جدیت و معانیات رونما اوله جفی ایچون مرتبه لری . درجه لری
هرکس نزدنده الحق حال العالدر .

الحاصل هر هانکی صنفده بولنورسه بولنورن آنده ثابت وبردوام
اولماق هرکس ایچون بروظیفه مهمه عدا و تولیدرکه فوائد مادیه و معنویه سنه
مظهریتله بکام اولسون . جزوی بر منفعت مقابلی اوله رقی مسلککنی
موقعتی تبدیل ، صفتی ، صفتی هویتی تحویل ایدن انواع ضرر
و غلطراته ، هردرلو مزاحم و مشکلاته معروض قالمقله برابر قدر
و قیمتیه ده کندکجه تنزیل ایدر . ثباتسنر ، مسلکسنر اولانلر فوق العاده